

我何時當得見法師從受般若波羅蜜

放光摩訶般若波羅蜜經卷第二十九 芥

放光摩訶般若波羅蜜經卷第三十 芥十

西晉三藏無羅叉共竺叔蘭奉 詔譯

薩陀波崙品第八十八之餘

佛告須菩提譬如有人被重毒箭無有餘念但念言我何時當得良師拔我身箭令其疾愈薩陀波崙無復餘念但欲得見法師從聞

般若波羅蜜聞般若波羅蜜已滅諸倚著尔時薩陀波崙菩薩即見諸法無罣礙慧得無量三昧門其三昧名曰見諸法所有三昧於諸法無所得三昧降伏諸無智三昧得諸法無差別三昧得於諸法無變異三昧諸法無所有無所聚三昧滅諸真三昧於諸法次第

相娛樂其化佛言善男子是法上菩薩與其眷屬共相娛樂以三時說法香氏城中衆人為法上菩薩施設法座於城中央金銀水精琉璃為座脚軟劫波育以為其縛以天雜香而著其縛其座高十里當其座上有諸男女把持垂珠又散名華燒諸名香何以故敬於法故法上菩薩坐其座上以般若波羅蜜為衆生說法化佛復言善男子香氏國人恭敬奉事法上菩薩其像如有若干百千諸天來會聽受般若波羅蜜中有書者中有諷者中有口受者中有念者中有寂然念行者國中衆生皆是阿惟越致於阿耨多羅三耶三善不復動還善男子汝從是東去到法上菩薩所可得聞般若波羅蜜是法上者是汝前世真知識也常勸助汝於阿耨多羅三耶三善法上菩薩本求般若波羅蜜時亦如汝今往善男子晝夜莫斷於念得聞般若波羅蜜不久尔時薩陀波崙聞是語已踊躍歡喜言

無異三昧於諸法無所見三昧散華三昧得如是等無量種種三昧門住是三昧已見諸十方無央數佛以般若波羅蜜為諸菩薩說法亦時十方諸佛皆讚歎言善哉善哉善男子我等本為菩薩時索般若波羅蜜亦復住是三昧所得如是得是三昧已入於般若波

羅蜜亦復如是便成就溫和拘舍羅立於阿惟越致法我等得是三昧時亦不見有法行三昧者離三昧者亦不見行道者亦不見逮阿惟三佛者般若波羅蜜者無有貢高善男子吾等住於不貢高故得金色身三十二相無限之光得不思議慧最無上覺三昧佛智具足逮諸功德諸佛所不能平量不能盡說何況聲聞辟支佛是故善男子於是法中當倍加敬善男子有志有進得阿耨多羅三耶三菩亦無有散善男子於真知識當起恭敬愛樂之意如視世尊菩薩得真知識者疾得阿耨多羅三耶三菩亦時薩陀波崙菩薩白

諸佛言我當所敬真知識者為是阿誰諸佛報言法上菩薩世世常以阿耨多羅三耶三菩用教授汝法上菩薩常以般若波羅蜜具足溫和拘舍羅是者則是汝之尊師是真知識卿善男子取法上菩薩以頂戴之從劫至劫若至百劫以三千大千剎土所有以用供

養尚未能報須臾之恩聞是尊法其福難報使汝得般若波羅蜜溫和拘舍羅之利故是諸如來無所著等正覺說是已忽然不現爾時薩陀波崙於三昧起四向願望意自念言是諸如來從何所來去至何所作是念已惆悵不樂復更念言法上菩薩常行般若波羅蜜放光三十溫和拘舍羅摠持諸陀隣尼門於諸法得自在已從過去佛而作功德是我真師我當以問法上菩薩是諸如來從何所來去至何所於是薩陀波崙菩薩念法上菩薩恭敬愛樂豫加謙恪今我又貧無有珍寶香華奇異貢尊之具以般若波羅蜜故供養法上菩薩

者不可空往至法上所我有恭敬而無所有
不如賣身供養般若波羅蜜及師前後以來
壞身不少今故不減前後壞身坐姪怒癡更
諸苦痛亦不為法亦不為師但為貪欲五陰
六表尔時菩薩道經一城大喚呼言我欲自
賣誰欲買我者時魔波旬意自念言今是菩

薩用般若波羅蜜故自賣其身欲以供養法
上菩薩欲得聞般若波羅蜜漚和拘舍羅菩
薩云何行般若波羅蜜疾得阿耨多羅三耶
三菩聞已必當恭敬稽受我不敗壞者當教
無數百千菩薩及諸衆生過我境界今我當
往壞之波旬即使舉國男女不見其形不聞

其聲尔時薩陀波崙賣身不集愁憂啼哭言
我甚為劇欲自賣身供養於師而不能集時
釋提桓因意念言今是菩薩以般若波羅蜜
故欲供養法上菩薩我今該往看視其人為
用法故頗有諛諂時釋提桓因化作年少梵
志至菩薩所問薩陀波崙言善男子何以故

芥

放光三十

三

不樂愁憂啼哭報言年少我用法故欲自賣
身供養尊師而永不集無問我者是以哭耳
自念薄德無財寶物可供師者尔時年少謂
菩薩言我不用人我今祠祀欲得人血欲得
人髓欲得人心能與我者益與卿寶是時菩
薩歡喜報言我得善利年少買我心髓及血

與我財寶得供養師使我得聞般若波羅蜜
及漚和拘舍羅真得我願年少重問言卿賣
髓血及心為索幾許菩薩報言隨年少意與
我多少薩陀波崙便以右手自刺左臂出血
與之復欲破骨出髓時城中有一長者女過
於魔行魔不能屈時長者女於樓觀上遙見
菩薩乃尔自刑我今當下問其意故時長者
女即下來到菩薩所問言男子何為乃尔酷
毒自割用是血為復欲破骨薩陀波崙報長
者女言欲與年少賣得財寶供養於師欲聞
尊經般若波羅蜜時長者女語菩薩言供養
於師當得何等奇特功德菩薩報言師當教

我般若波羅蜜漚和拘舍羅語我菩薩所行
法則我當得學為諸衆生廣作橋梁成阿耨
多羅三耶三菩阿惟三佛我身當得三十二
相八十種好無上之光得四等意四無所畏
佛十種力及十八法速六神通不思議淨戒
成作佛已得無礙之慧當得無上之寶除一

切貧我當得是如此之法時長者女聞是語
已踊躍歡喜語菩薩言善哉善哉賢者甚奇
甚特乃說如是微妙之法重言賢者以是一
法當索無數恒邊沙法所以者何是法甚深
用微妙故卿善男子所欲得者莫自疑難欲
得琉璃摩尼雜寶真珠金銀琥珀梅檀名香
繒幡華蓋恣意所得今當與仁可持供養法
之尊師莫尔自離毀壞其身今我亦欲往至
彼所與卿相隨共植善本如卿屬所可說者
我悉欲得時釋提桓因即滅年少梵志形還
復釋身住薩陀波崙菩薩前讚歎言善哉善
哉善男子如卿建志過去諸如來無所著等

芥

放光三十

四

正覺行菩薩道求般若波羅蜜漚和拘舍羅
成阿惟三佛亦如賢者今日我亦不用人心
髓及血我欲相試故來到是欲得何願薩陀
波崙報言我不用餘與我阿耨多羅三耶三
菩願釋提桓因報言善男子是佛之境界非
我所辦更索餘願多少福我菩薩報言假令

大願非卿境界者復我身體使無瘡癩以是
相福適作是語薩陀波崙身復如故於是帝
釋忽然不現時長者女語菩薩言隨我共歸
見我父母并報父母隨卿所欲供養之具當
相給與我亦當去侍從左右至法上所尔時
薩陀波崙隨長者女往到其家在門外住長
者女入白父母言今當與我金銀珠寶琉璃
摩尼名香梅檀華蓋幢幡雜色異衣供養之
具及諸奇異及五百侍女欲以法故隨薩陀
波崙菩薩行至香氏國法上菩薩所欲聞尊
經佛所有諸法我當得之度脫衆生父母問
女言薩陀波崙今為是誰女重白言是人今

在門外住發堅誓之願欲求阿耨多羅三耶三善欲為衆生故救無極之苦有大妙法名般若波羅蜜是諸菩薩所應學者是善男子但為是法故自賣其身不惜軀命而自割截欲以供養大師法上是人至誠感致帝釋我見是變就往問之有何奇特忍自割判便報

芥

放光三十

五

我言賣與年少欲得財物供養我師我當得佛三十二相八十種好當轉法輪度脫衆生我聞是已甚大歡喜誰聞是法而不樂者我便許之當與珍寶供養之具隨侍左右是故父母當給與我珍寶所有及諸侍女父母謂女如汝所言是人甚奇精進乃尔不惜身命

欲求不思議之法如汝所言是善男子必能辦無上之法安隱衆生建立大擔僧那僧沮我當云何違汝是願欲得往見供養法上菩薩者隨汝意願我代汝喜自吾年老不能得行恣汝所欲珍奇寶物我終不斷一切之願尔時女取五百乘車以七寶校飾及五百侍

女莊嚴自副種種諸華雜色寶衣如上所有載以自車陸陀波崙別載一車與五百女人圍繞相隨於是東行稍稍引導遙見香氏城郭七寶玄黃珍奇衆妙未曾所有如上所說復遙見其城中央法上菩薩與諸大衆數百千萬圍繞說法遙見是已甚大歡喜其身安隱辟如比丘得第四禪又自念言我今不可於車上載當下步耳即與長者女及五百女人圍繞而前入城門裏見七寶臺以赤栴檀而校飾之真珠交露其臺四角有四寶鬘盛摩尼珠晝夜常明有寶香鑪常燒名香晝夜常香當臺中央有七寶塔又以四色之寶作函以紫磨金薄為素書般若波羅蜜作經在其函中又以七寶為織成幡牙相叅校其色上妙隨風繽紛陸陀波崙及五百女人見是七寶交露之臺見釋提桓因與諸天子持天曼陀羅華及天雜色栴檀名香擣以為末其細如塵於虛空中供養散其臺上又鼓天樂

而供養之。爾時薩陀波崙遙問釋提桓因。汝何為供養以華散。是臺為。於是釋提桓因報薩陀波崙言。卿善男子。為不知耶。是般若波羅蜜者。生諸菩薩。一切菩薩。當於是學。當成諸波羅蜜。功德具足。諸佛法速。薩云。若以是故。我等而供養之。薩陀波崙聞。是倍喜。復問

芥

放光三十一

六

釋提桓因言。般若波羅蜜為在何所。釋提桓因報言。在臺中央。七寶函中。法上菩薩。以七寶印。印之。汝等及我。不得妄見。爾時薩陀波崙長者女。及五百女人。各各取諸名華。名香。梅檀。雜寶。琉璃。摩尼。供養般若波羅蜜。已別留一分。持至法上菩薩高座。所復以法。故供養法上大師。所散諸華。當法上菩薩。上化作七寶臺。止於虛空。所散名華。皆雨於法上菩薩。所散雜色寶衣。在其臺上。有化天人。以手把持天幡。而垂之。薩陀波崙及五百女人。見是變化。各念言。是法上菩薩摩訶薩。所化。乃爾。是未曾有。何況當成阿耨多羅三耶三菩。

阿惟三佛時。長者女及五百女人。見法上菩薩。歡喜踊躍。皆發阿耨多羅三耶三菩意。同時歎言。持是功德。得於法利。亦當如是。令我曹得供養般若波羅蜜。如法上菩薩。我等亦當廣宣般若波羅蜜。以度眾生。亦如法上菩薩。願我等得般若波羅蜜。成就漚和拘舍羅

所作變化。逮阿耨多羅三耶三菩。於諸法得自在。當如法上大師。爾時薩陀波崙及長者女五百女人。供養已訖。前以頭面著地。為法上作禮。却住一面。以恭敬意。手白法上菩薩言。我昔於寂靜之處。聞空中聲言。善男子。從是東行。可得聞般若波羅蜜。我即東去中

芥

放光三十一

七

道念我。當從誰得聞般若波羅蜜。愁憂啼哭。默住一處。七日不念飲食。但念何時當得般若波羅蜜。爾時便有化佛。在我前住。即告我言。善男子。持是精進勇意。從是東行二萬里。有國名香氏。有菩薩名法上。常說般若波羅蜜。汝可從聞。是汝真師。我從化佛聞。是教已

即便東行遙見大師意中歡喜踊躍安隱辟
如比丘得第四禪以念般若波羅蜜故便得
無量三昧即見十方諸佛讚歎我言善哉善
哉汝所得三昧者皆從般若波羅蜜生我本
行菩薩時索般若波羅蜜時亦復如是讚歎
我已便不復現我三昧覺已自念諸佛從何
所來去至何所復大愁憂我復念言法上大
師以般若波羅蜜漚和拘舍羅於諸法得自
在我當往問師十方諸佛何所從來去至何
所今日大師爲我解說諸如來所從來往
願欲知之我等聞已常見諸佛不離世尊
放光摩訶般若波羅蜜經法上品第八十九

不知去時真諦者則如來無爲者亦不來亦
不去無爲者則如來滅盡者亦無來亦無去
滅盡者則如來善男子如來者不離是法此
諸法者則是如來之如善男子如者一無有
二亦不三亦無若干之數以法空故善男子
譬如春節已過夏盛熱時熱有猛燄愚夫逐
之謂爲是水追之不息呼當得水於賢者意
云何是人所逐水者爲從何所來從東海西
海南海北海從何海來薩陀波崙菩薩對曰
熱時燄者尚非是水何況從海而有來往法
上復言善男子彼凡夫爲熱渴所迫而起水
想追逐疲勞竟不得水諸有起想謂諸如來
有往來者亦是凡夫與彼無異所以者何莫
以色身而觀如來如來者法性法性者亦不
來亦不去諸如來亦如是無來無去善男子
譬如幻師化作象馬車乘謂呼是幻有來往
者皆是愚夫謂諸如來有來往者亦是凡夫
所以者何法性者亦無來亦無去薩陀波崙

芥
卷之三

白法上言夢幻所見悉空無實皆無所有法
上報言善男子如來無所著等正覺說言諸
法皆亦如夢有於夢幻法有實想者不知如
來但入如來名色身耳便作如來來往之想
是輩皆是無智凡夫是輩凡夫於生死道當
有反數離般若波羅蜜大遠於佛法亦遠於
諸夢幻法知諸法如夢幻者為識如來於諸
法不求有來往之想亦不求諸如來有生有
滅諸有知如來無來無往不生不滅者為近
阿耨多羅三耶三善不久是為行般若波羅
蜜是則為佛之弟子是輩人應食國中施為
世間之福田善男子譬如大海所有名寶不
從十方國土而來以人福故海生此寶不為
無緣因緣故生是寶滅時亦復不至十方從
因緣起從因緣滅亦不從十方有來有往者
善男子諸佛身者有行因緣便得合成本行
所致亦不用行往至十方若使無行無因緣
合者若無因緣亦無有身也善男子譬如瑩

芥

放光三十一

九

猴以因緣故有弦有柱有人鼓之音聲來往
聲音斷時亦無來往是聲出時亦無從來滅
亦無所至欲知佛身亦復如是有無量之德
不以一事成皆有因緣而共合成不離因緣
而有去來善男子當知諸佛亦無來往一切
諸法皆復如是亦不生滅汝知是已必至阿
耨多羅三耶三善必究竟般若波羅蜜遍和
拘舍羅尔時釋提桓因以天曼陀羅華與薩
陀波崙持是供養法上菩薩當福於我所以
者何一切衆生當蒙仁者之恩當得阿耨多
羅三耶三善仁者上士世間少有甚難得值
乃為衆生執勞無央數劫都不以為勞時薩
陀波崙受釋提桓因曼陀羅華用散法上菩
薩散已白言從今已去持身奉上於師供給
所須义手却住一面尔時長者女及五百侍
女白薩陀波崙菩薩言願得以身奉上大師
給與所須持是功德令得法利如今大師當
與大師常共供養諸佛世尊尔時薩陀波崙

告長者女及五百侍女汝等隨我教者我當受汝諸女報言身命自師不敢違教薩陀波崙菩薩白法上菩薩言願持身自上及五百女人及五百乘車一切所有以上大師哀我曹等願當受之尔時釋提桓因歎言善哉善哉發菩薩意者當持所有如賢者所為菩薩

如是施者疾得阿耨多羅三耶三善作是恭敬承事師者疾可得聞般若波羅蜜漚和拘舍羅過去諸如來無所著等正覺皆悉如是捨意布施得般若波羅蜜漚和拘舍羅成阿惟三佛尔時法上菩薩即受薩陀波崙及長者女五百侍女及五百乘車所有珍寶盡為受之欲使薩陀波崙成其功德雖受之還持與薩陀波崙菩薩時日已暝法上菩薩從高座起還入宮中尔時薩陀波崙意念言我為法來不且坐卧當以二事須師來出一者經行二者住立時法上菩薩入宮中正坐以般若波羅蜜漚和拘舍羅行無央數諸三昧至

芥

放光三十

十

于七歲薩陀波崙亦七歲不坐不卧常經行住立不起三垢無諸欲味但念法上菩薩何時當出為我說般若波羅蜜七歲已後薩陀波崙意中念言我當為師在巖高座種種名華燒諸名香以待法師當為大眾說般若波羅蜜薩陀波崙及五百女人各各布座身上好衣諸名統綖柔軟細氈以布座上薩陀波崙即行索水欲以灑地了不能得是魔波旬之所蔽隱令水不現欲壞菩薩令起乱意不欲使成阿耨多羅三耶三善薩陀波崙意復念言我當自剗其身出血以用灑地所以者何恐地有塵來坐師故我不當惜是危脆之身所以者何前後已來無央數劫棄是身體不可復計初未值是無上之法於是薩陀波崙菩薩即取利刀剗身出血持用灑地五百女人各各亦尔尔時波旬不能得其便尔時釋提桓因念言是薩陀波崙菩薩及五百女人甚可奇特貪得乃尔不惜身命恭敬法師

是魔波旬雖欲壞之不能得便乃尔堅固擔
於僧那不惜身命於阿耨多羅三耶三菩欲
度衆生無限之苦是時帝釋讚言善哉善哉
賢者精進不可思議爲無上之願過去諸佛
本所行時精進如是薩陀波崙意中念言我
今爲師布座已訖當於何所得好名華法師
芥柱光三十

出時當散其上尔時帝釋知其所念便以天
上曼陀羅華千石與菩薩言持是供養師并
可散地即取其華分布散地分留一分七歲
已後法上菩薩從宮中出徑詣高座薩陀波
崙及五百女人即持天華徧散法上頭面作
礼却住一面法上菩薩告薩陀波崙菩薩卿
善男子諦聽諦聽善思念之於是薩陀波崙
菩薩受教而聽諸法等如金剛等諸法寂諸
法等寂不動故般若波羅蜜等寂不動亦如
金剛諸法無倚諸法不怨諸法一味故般若
波羅蜜亦無所倚諸法一味不怨諸法不生
諸法不滅諸法如空故般若波羅蜜不生不

滅亦如虛空五陰無底無邊際諸法無底四
大無底故般若波羅蜜亦無有底空無有邊
際大海無有邊諸法無邊際故般若波羅蜜
亦無邊際譬如須弥山種種巖好般若波羅
蜜亦復如是諸法無所破壞諸法不可得見
諸法無所受諸法無所有諸法不可思議故

般若波羅蜜無所破壞亦不可得亦無所受
亦無所有不可思議亦復如是尔時薩陀波
崙菩薩便於座上得諸法等三昧諸法寂三
昧不動三昧無倚三昧無畏三昧一味三昧
無生三昧無滅三昧虛空三昧五陰無底三
昧諸法無底三昧四大無邊三昧虛空性三
昧如海三昧如須弥山三昧金剛三昧無所
破壞三昧無所得三昧無所受三昧無所有
三昧不可思議三昧如是等三昧得六萬三
昧門

放光摩訶般若波羅蜜經囑累品第九十
佛告須菩提尔時薩陀波崙菩薩得六萬三

昧已便見十方如恒邊沙三千大千國土見諸如來無所著等正覺及比丘僧大衆圍繞說般若波羅蜜如我今日為汝等說般若波羅蜜十方諸佛亦復如我字釋迦文薩陀波崙菩薩多聞具足其智如海不離諸佛所生之處在諸佛前若於夢中未曾離佛諸難已

芥

放光三十

十二

斷已得自在是故須菩提當知般若波羅蜜為諸菩薩摩訶薩致薩云若菩薩欲學六波羅蜜者欲得諸佛境界一切智者當學行般若波羅蜜當受持當誦讀廣為人說解其中事亦當供養所有名華名香繒綵華蓋若干方便當供養之所以者何般若波羅蜜者是諸佛所尊是導之御佛告阿難於汝意云何汝為尊重愛敬如來不阿難對曰唯然世尊愛敬如來如來自知佛語阿難汝實愛敬於如來阿難汝前後侍我已來汝身口意常有善慈今吾年已老矣弟子所應供養者汝已為畢不為不畢從今以往當恭敬承事般

若波羅蜜世尊於是從一至三如是囑累於般若波羅蜜所以殷勤鄭重者何欲令不斷故若般若波羅蜜斷者一切衆生永為盲冥若般若波羅蜜在世不斷絕者諸佛如來亦不斷絕若般若波羅蜜有斷絕者諸佛如來亦當斷絕阿難般若波羅蜜住於世者當知如來常在說法一切衆生不離佛會不離說法阿難是般若波羅蜜若有書持誦誦念守習行解說其義供養經卷復教他人書持誦誦廣為說者當知是人常與佛俱不離諸佛佛說是時弥勒菩薩耆年須菩提尊者舍利弗大目犍連邠耨文陀及子摩訶拘締羅摩訶迦栴延賢者阿難一切會者諸天阿須倫聞佛說已皆大歡喜前為佛作禮

放光摩訶般若波羅蜜經卷第三十 芥十